

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में विजय बजाज।

Headlines

1. संसद नै वक्फ संशोधन बिल गी पास करी दित्ता ऐ। राज्यसभा च 128 सदस्यें इस बिल दे हक्कै च जदके 95 सदस्यें एहदे बरोध च मतदान कीता।
2. प्रधानमंत्री नरेन्द्र मोदी होर बैंकॉक, थाईलैंड च 6में बिमस्टेक शिखर सम्मेलन च हिस्सा लै'रदे न।
3. जम्मू-कश्मीर सरकारै, बजट च कीते गेदे वायदे गी पूरा करदे होई गरीब कुड़िएं दे ब्याहें लेई दित्ती जाने आहली मदाद गी बघाइयै 75 जहार रपे करी दित्ता ऐ। सरकारै समाजी पेंशनें दी रकम च बाददा कीता ऐ।
4. सरकारै आखेआ ऐ जे जम्मू-कश्मीर च कुल 5 बड्डे पनबिजली प्रोजेक्ट विकसित कीते जा'रदे न जि'दी कुल समर्थ 3 जहार 90 मैगावाट ऐ।
5. उत्तर रेलवे नै बनिहाल ते बडगाम बश्कार विस्टोडोम बशेश रेल सेवा शुरू कीती ऐ।

<><><><><><>

Waqf Bill

लोकसभा आस्सेआ वक्फ (संशोधन) विधेयक-2025 गी वीरवारें मंजूरी दित्ते जाने दे परैंत अज्ज मुंह न्हरे राज्यसभा नै बी इसगी पास करी दित्ता ऐ। एहदे कन्नै गै संसद दे दौनें सदनें च एह बिल पास होई गेआ ऐ। उप्परले सदन यानि राज्यसभा च 128 सदस्यें एहदे पक्ख च वोट दित्ता जदूं के 95 सदस्यें इस कन्नू दे विरोध च मतदान कीता। राज्यसभा नै इस बिल उप्पर तकरीबन 12एं घैंटे तगर चर्चा कीती। इस बिल दा मकसद वक्फ दी संपत्तिएं दी हिफाजत ते समाजिक कल्याण गी बढ़ावा देना ऐ। बिल पर चर्चा करदे होई संसदीय मामले दे मंत्री किरन रिजिजू होरें आखेआ

<><><><><><>

PM Visit

प्रधानमंत्री नरेन्द्र मोदी होर अज्ज थाईलैंड इ बैंकाक 6में बिमस्टेक शिखर सम्मेलन च हिस्सा लै'रदे न। शिखर सम्मेलन दा विषय सार ऐ "बिमस्टेक समृद्ध लचीला ते खुल्ला"। प्रधानमंत्री मोदी होर कल थाईलैंड दी दऊं दिनें दी यात्रा पर बैंकाक पुज्जे हे। भारत ते थाईलैंड नै आई.टी, समुद्री, भलेया लौहके, लौहके ते उरमयाने दर्जे आले उद्यम, दस्तकारी ते हथखण्डा खेत्तरें सनें बक्ख-बक्ख खेत्तरें च सैहयोग आस्तै 6में समझौते पर दस्तखत कीते। प्रधानमंत्री मोदी ते उंदे थाईलैंड दे हमरूतबा प्रधानमंत्री पेटोंगतरन शिनावाना दे बयकार दपक्खी गल्लबात दे परैंत समझौते दी अदलो7बदली कीती गई। इस मौके पर बोलदे होई प्रधानमंत्री मोदी होरें आखेआ.....बाईट

बिमस्टेक शिखर सम्मेलन दे परैंत प्रधानमंत्री मोदी दऊं देसों दी अपनी यात्रा दे दुए गेड़ आस्तै अज्ज श्रीलंका लेई रवाना होंगन।

<><><><><><>

CM Orders

बजट 2025-26 च कीते गेदे वायदे गी पूरा करदे होई इक बड्डे लोक हित आले फैसले च जम्मू कश्मीर सरकार नै अटल अंतयोदय योजना(एएवाई) हेठ औहने आले परोआरें दिएं कुड़िएं आस्तै राज्य ब्याह सहायता योजना दे तैहत माली मदाद गी 50 जहार रपे कोला 75

जहार रपे करी दित्ता ऐ। इस मदाद आली रकम गी कुड़िएं दे ब्याह शा पैहले बैंक खाते च सीधा जमा करी दित्ता जाग। एहदे अलावा जम्मू कश्मीर सरकार नै राश्ट्री सामाजिक सहायता योजना ते एकीकृत समाजिक सुरक्षा योजना दे तैहत थोने आली पेंशन गी बी बघाई दित्ता ऐ, जेहदे कन्नै बर्जुगें, विधवाएं, विशेष रूप कन्नै दिव्यांग ते ट्रांसलेंडर नागरिकें आस्तै मती मासिक मदाद जकीनी बनी ऐ। सरकारी आदेश दे मताबक 60 ब'रे शा घट्ट उमरी दे लाभार्थिएं गी हर महीने 12 सौ 50 रपे, 60 शा 79 ब'रे दी उमरी दे लाभार्थिएं गी 15 सौ रपे ते 80 ब'रे शा मती उमरी दे लाभार्थिएं गी 2 जहार रपे हर महीने दित्ते जांगन।

<><><><><><>

LG-Shiksha

लेफ्टिनेंट गवर्नर मनोज सिन्हा होरें राश्ट्री शिक्षा नीति 2020 मूजब शिक्षा च नैतिक मुल्लें—कदरें ते राश्ट्री पन्छान दी भूमिका उप्पर लोऽ पाई। नमीं दिल्ली च भारत शिक्षा सम्मेलन गी संबोधित करदे होई एलजी सिन्हा होरें शिक्षा संस्थानें गी आग्रैह कीता जे ओह नमिएं काह्डें ते नैतिक मुल्लें—कदरें बश्कार संतुलन जकीनी बनावे होई परियोजनाएं पर आधारित ज्ञान गी मती प्राथमिकता देन। एलजी होरें जम्मू—कश्मीर च शिक्षा दे खेत्तर च आए दे सुधारें पर बी लोऽ पाई जि'दे राहें समग्र शिक्षा, कौशल विकास ते युवाएं दे सशक्तिकरण दी बत्त पदरी होआ करदी ऐ। उ'नें आखेआ जे इ'नें सब्बनें दे कन्नो—कन्नी जम्मू—कश्मीर दे स्कूलें—कॉलेजें च साजगार म्हाल बी जकीनी बनावे जा'रदा ऐ। एलजी सिन्हा होरें आखेआ

<><><><><><>

NC Meeting

जम्मू कश्मीर नैशनल कांफ्रेंस दे विधायक द लते भ्याल पार्टिएं दी अज्ज मुखमंत्री उमर अब्दुल्ला हुंदी प्रधानता च बडलै 11 बजे श्रीनगर च बैठक लग्गो। नैशनल कांफ्रेंस दे वरिष्ठ लीडर ते पार्टी दे चीफ व्हिप मुबारक गुल हुंदे आस्सेआ जारी अधिकारिक विज्ञप्ति मूजब पार्टी दे सब्बने विधायकें गी बैठक च शामिल होने दा अनुरोध कीता गेदा ऐ, उआं बैठक दे एजेंडे बारे जानकारी नेई सांझी कीती गेदी।

<><><><><><>

Power Projects

केन्द्री बिजली मंत्री मनोहर लाल होरें कल लोकसभा गी जानकारी दित्ती जे जम्मू—कश्मीर कुल 5 बड्डे पनबिजली प्रोजेक्ट विकसित कीते जा'रदे न जि'दी कुल समर्थ 3 जहार 90 मैगावाट ऐ। इंदे च 850 मैगावाट दी समर्थ आहली रतले परियोजना, 1 जहार मैगावाट दी समर्थ आहली पाकल डुल परियोजना, 624 मैगावाट दी समर्थ आहली कीरू पनबिजली परियोजना, 540 मैगावाट दी समर्थ आहली कवार परियोजना ते 38 मैगावाट दी समर्थ आहली पारनाई परियोजना शामिल ऐ। किश्तवाड़ च चार बड्डी परियोजनाएं, रतले, पाकल डुल, कीरू ते कवार गी केन्द्री ते सांझे उद्यमें आहले मॉडलें राहें विकसित कीता जा'रदा ऐ जदके बन्ने आहले जिले पुंछ च पारनाई परियोजना गी जम्मू—कश्मीर दे बिजली विकास निगम आसेआ अमल च आहन्नेआ जा करदा ऐ। सरकारै, इ'नें परियोजनाएं दे कम्में गी बेल्ले सिर सबूरा करने लेई उचित हीलें ते नीतिएं गी लागू कीते दा ऐ तांजे इ'नें परियोजनाएं दे कम्में च चिर नेई लग्गे।

<><><><><><>

CS Hydro Power

मुख्य सचिव अटल डुल्लु होरें कल इक बैठक लाइयै जम्मू—कश्मीर दी पन बिजली नीति 2025 दे मसौदे दा जायजा लैता। इस मौके पर उ'नें खित्ते च पनबिजली पैदावार दी बड़ी मती समर्थ उप्पर लोऽ पांदे होई इस समर्थ दा बद्धोबद्ध लाह ठोआने दी जरूरतै पर जोर पाया। उ'नें आखेआ जे ई'आं करियै प्रदेश दी अर्थबवस्था गी बी उबड़ा चुक्केआ जाई सकदा ऐ। इस नीति दा मकसद मजूदा ढांचे दी नजरसानी करदे होई निजी रास—पूंजी गी आकर्षित करना ऐ। एहदे अलावा इस नीति दे तैहत पनबिजली परियोजनाएं गी लौहके ते बड्डे प्रोजेक्टें च

श्रेणीबद्ध करना ऐ। 25 मैगावाट तगर दी परियोजनाएं गी लौहके प्रोजेक्टें दी श्रेणी च जदके 25 मैगावाट शा लेइयै 100 मैगावाट तगर दी परियोजनाएं गी बड्डे प्रोजेक्टें दी श्रेणी च रक्खेआ जाह्ग।

<><><><><><>

Vistadome Spl. Train

उत्तर रेलवे नै कश्मीर च रेल जात्तरा लेई बघदी मंग गी पूरा करने दे मकसद कन्नै बनिहाल ते बडगाम बश्कार इक विस्टाडोम बशेश रेल सेवा शुरु कीती ऐ। कल 5 अप्रैल थमां 3 जून तगर शुक्करवार गी छोड़ियै बाकी हफ्ते दे 6एं दिन एह् रेल बडगाम थमां बड्डलै 8 बज्जियै 35एं मिंटें पर चलोग ते श्रीनगर, अवंतीपोरा, अनंतनाग ते काज़ीकुंड च रुकदे होई बड्डलै 10 बज्जियै 40एं मिंटें पर बनिहाल पुज्जा करोग। एह्दे परैन्त संझाँलै एह् ट्रेन 6 बज्जियै 40एं मिंटें पर बनिहाल थमां चलोग ते 8 बज्जियै 20एं मिंटें पर बडगाम पुज्जोग। इस पैह्लकदमी दा मकसद सैलसफा गी बढावा देना ते जात्तरा गी मता सखल्ला बनाना ऐ।

<><><><><><>